

Асли исми Мухаммад Шариф бўлиб, Узлат (Узлатий), Махжур, Нодир (Нодирий), Шариф (Шарифий) тахаллуслари билан ўзбек ва тожик тилларида ижод этган бу шоир Кўкон адабий мухитидаги сўз санъаткорлари каторига киради.

Шоир Узлат хаётига доир айрим маълумотлар шоирнинг ўз асарларида ва Фазлийнинг «Мажмуаи шоирон» тазкирасида учрайди.

Мухаммад Шариф Узлат 1752—1758 йилларда Косон кишлоғида тугилган. У кексайган чоғида Умархон хонлигининг сўнгги йилларида Кўконга кўчиб борган ва у ерда ҳам умр бўйи моддий мухтожликда яшаган.

Фазлий ўз тазкирасида Узлат истеъдодли шоир, каввидшунос олим, машхур хаттот, фозил бўлишига карамай, бахтсиз киши бўлганлигини, кайд этиб ўтган.

Бизгача мазкур шоирнинг халқпарварлик, адолат, мухаббат, вафодорлик, сахийлик, халоллик каби гоёларни тарғиб этувчи «Хафт гулшан» достони ва тақдирнинг шумлиғидан, ижтимоий тенгсизликдан шикоят, бахтсиз севги аламларидан зорланиш, инсоний фазилатларни улуглаш, кишига ва табиат гўзалликларига мухаббат, турли ижтимоий тоифаларга муносабат сингари мотивлар куйланган шеърларидан тузилган девонлари етиб келган. 1962 йилда Узлатнинг асли ватани — Косондан топилган ўзбекча ва форсча девони (инв. №693) ва шу девоннинг нотўлиқ Наманган нусхаси ҳам Кўкон адабиёт музейи фондида сақланмоқда.

ГАЗАЛЛАР

* * *

Бутмас эрмиш хажр тигидин багирнинг ёраси,
Жуз висоли мархамидин йўқтур онинг чораси.

Эй фалак, инсоф бирла айлагил холимга рахм,
Ишк зулмидин бўлуб кўнгул жaxon оввораси.

Чарх уза хар ён кўрунган тун аро анжум эмас,
Катралар сочти ёшимдин кўзларим фаввораси.

Демагил гам дашти узра очилибдур лолалар,
Ул жигардур хажр захридин тўкулган пораси.

Тутма кўз харгиз фалакдин сурати бехбудлик,
Холатим этти дигаргун собиту сайёраси.

Гул каби окти хаёлим гулшани сахнига кон,
Жон бошига тегди гам отлиғни санги хораси.

Ишк келди мен сори кўзлаб мухаббат тогидин,
Айлади Узлат каби бечоранинг бечораси.

* * *

Келурга ваъда килиб, ахдига вафоламади,
Кўзум йўли уза котти-ю, ошноламади.

Гаму алам била хажрида кўп жафо чектим,
Кўнгулга рохати дийдорини раволамади.

Таним фирокини тарёки айлади бемор,
Лабини шарбати эхсонидин даволамади.

Бошима сочти фалак тунда хажр туфрогин,
Кўзини учи била холима кароламади.

Гулига булбули гулшанда айлади нола,
Вале менинг каби шому сахар наволамади.

Маишат уйида шод ўлмади ики хамдам,
Замона бир-биридан охири жудоламади.

Фирок меҳнати мундог катик экан, Узлат,
На деб висоли аро жонини фидоламади.

* * *

Анингдек бир париваш хусн гулзорида кам эрмиш,
Малохат кишварида орази боги Эрам эрмиш.

Мени кайфиятим яхши-ёмонин васлу хажридин,
Ёзарга орази лавхи уза қоши калам эрмиш.

Ичарман рашқдин хар тун май ўрнига багир коним,
Анинг базми аро агер, баским, мухтарам эрмиш.

Кўрунгай ёрсиз махфил аро сингон сафоледек,
Ичарга май қадах ўрнига гарчи жоми Жам эрмиш.

Парирўлар неча сарханг бирла май ичар сархуш,
Хашиша ишқ ахлига жахонда оху гам эрмиш.

Ўтар ўтган каби, ҳеч келмаганга гам еманг зинхор,
Тутунг эмди ганимат ушбу дамни, дам бу дам эрмиш.

Фалақдин шиква этма, изла, Узлат, гавхари максуд,
Хубобосо жахон бахри уза ул хам адам эрмиш.

* * *

Солиб зийнат учун машшота зулф узра тарогини,
Кўнгул чоки била гул топмади сунбул сўрогини.

Магар ёримни келгай деб тажаммул бирла бог ичра,
Чаман шохи ясаб гул жинсидин тухфа ярогини.

Нигорим тунда базм айларга кўнглин айлади мойил,
Фалак анжумларидин ёндурур хар ён чарогини.

Вафо базмида май ўрнига ичмакдур юрак кони,
Итобу мастлик бирла нега очмас кабогини?

Висёли гулшанига орзу бирла кирай де Ёам,
Анинг хижрони бошимга кўторибдур таёгини.

Бу заъф ила висоли каъбасига етмогим мушкил.
Фироки дашти бирла на дейин йўлни узогини.

Билибон лола кочти дашт уза, гул багри кон бўлди,
Жафоси ўртаган Узлатни гамлик багри догини.

* * *

Сокиё, лутф айла, тўлдур бода бирла жомни,
То чикоргайман кўнгулдин кулфати айёмни.

Журъа нўш айлаб висоли орзуси базмида,
Мастликдин билмагайман субх бирла шомни.

Хажр даштида этиб девоналигни ихтиёр,
Ташладим тандин либоси нанг бирла номни.

Жилвасини ёд этиб гулшан аро сиймобдек,
Топмадим харгиз кўнгулда сабр ила оромни.

Сув бериб ашким нами бирла вужудим богига
Кўзлари фикрида тиктим донаи бодомни.

Ишк даштини йўли гарчи узогу хам махуф,
Ёр васли каъбасига богладим эҳромни.

Олам ичра бу тириклик уйку эрмиш ё хаёл,
Тарк этгил, эй кўнгул, шоду гами авхомни.

Булбулосо нола эт, Узлат, кўнгулни богида
То сабо еткурса васли ёрдин пайгэмни.

* * *

Танга эди рухбахш лутфи такаллумлари,
Жонга тўкуб шахдлар лабда табассумлари.

Хажрида куйган кўнгул нега фиғон этмасун,
Шафкатидин кўп эди манга тараххумлари.

Ишкида бўлдум адо, мён каби йўк бенаво,
Кўз ёшим олдида кам бахр талотумлари.

Тундаги фарёдима, хотири ношодима,
Йиглади ахволима чархни анжумлари.

Васли майи базмига эмди қачон тенглашур,
Тўлса агар бодадин етти чалак хумлари.

Узлатийни нолада кўрса агар андалиб,
Солди хижолат аро созу тараннумлари.

* * *

Журъакашда йўк тириклик бодаи гулфомсиз,
Лабларинг хижронида кўнгул эрур оромсиз.

Ой юзунг зулфунг қаронгуси аро топмиш зиё,
Васл эрмас хажрсиз, ҳам субх эрмас шомсиз.

Эй кўнгул, холида зулфи қайдидин айла хазар,
Сахни олам мазраида дона йўктур домсиз.

То жафо чекмай қачон коминг этар ширин мурод,
Мева топмас шахд нахли шохи узра хомсиз.

Бода қанча талхдур, қайфияти бўлгай баланд,
Хуш кўрунмас ишк элига лаълидин дашномсиз.

Хусни султонисан, меҳрингни сол ушшокга,
Шох йўк, фақр ахлига бўлса агар инъомсиз.

Васл изла, айла, Нодир, дарди хижронига сабр,
Етмагай матлабга ҳеч ким меҳнати айёмсиз.

* * *

Эй кошлари е, киприги ўк, кўзлари жаллод,
Ишк ахлигадур доим ишинг зулм ила бедод.

Гар мунтахаби дафтари хусн ўлмаса нечун
Тангри ики рухсоринг уза ёзди ики сод.

Лайли била Ширин санга хусн ичра канизе,
Ишкинга на нисбат манга Мажнун ила Фарход.

Лаълингни хаёлида на деб кетти ўзидин,
Жон жисм аро нашъаи май этмаса ижод.

Кабрим уза, эй шўх, каму лолалар унгай,
Ўлсам юзунг узра каро холингни этиб ёд.

Тангри санга бермогида маншури парилик,
Расволик учун ёзди манга хам хати иршод.

Фуркат чаманида кеча тонг откуча Нодир
Булбул каби гам кайдидадур нолага мўътод.

* * *

Коматингдек дахр боги ичра бир шамшод йўх,
Бўлса хам, лекин кадинг сарви каби озод йўх.

Подшоҳлар зулм ила ўз мулкин этгандек хароб,
Бир кўнгул илгингдин, эй бедодгар, обод йўх.

Гарчи чўхдур манга бенгзар гам чекан ушшэклар,
Хусн элида сен каби зулм этмога мўътод йўх.

Хажр аро холинг хаёли-ла кўнгулда доглар
Мунча накд ила менингдек сохиб истеъдод йўх.

Махфили гам ичра кон ичмакда мутриблар аро
Навха охангини мендек соз эдан устод йўх.

Сабр эт, кўп инжима, Нодир, жахон гулзорида
Бир гуле офат самуми этмаган барбод йўх.

* * *

Орази фикри куёшдек жон уйин нур айлади,

Жисмни васли хаёли байти маъмур айлади.

Гул юзидин жилва айларга кўтарди пардани,
Хотирим Мусо каби тан тогини Тур айлади.

Гунчадек жон ёр каддига осилди сарнигун,
Ишк дори сабрсиэз кўнлумни Мансур айлади.

Бокмасун деб гулъузозимнинг куёш рухсорига,
Дуди охим рашкдин душман кўзин кўр айлади.

Бўдилар хомуш гулшан кушлари, солиб кулог,
Ёрга ё тангри афгонимни мансур айлади.

Бурни кон бўлгай етимнинг огзи етса эшга,
Чархнинг бедоди бахтим суйини шўр айлади.

Солди хижрон жисмим узра лола янглиг доглар,
Васлидин бу толеи носоз Махжур айлади.

* * *

Кўзум кон ёшидин лола каби сахни жахон гулшан,
Бўлуб анжум каби охим ўтидин осмон гулшан.

Кўзумга кўй кадам, эй гул^адан, бу тун хаёл ичра
Сиришким кони бирла айладим тахти равон гулшан.

Хирому ишва бирла, эй пари, бир лахза келсанг-чи,
Кўнгул эрмиш санга боги Эрам, бог ичра жон гулшан.

Бахор айёмида сайр айламокга жилва хангоми
Аёги панжасидин бог аро колди нишон гулшан.

Куёш янглиг кийиб гулгун, чикар деб хусн султони,
Хижалотдин кочиэ киш кўйнига бўлди нихон гулшан.

Аёги колди лой ичра, бирини жисми кон бўлди,
Каду юзини чун сарв ила килди имтихон гулшан.

Висоли базмини фикрида хар тун багри конидин
Килиб омода Махжури асири нотавон гулшан.

ЎЛАН

Ўлан вазн ва кофия, хуруфи хижо била ёзилди.

Эй — алифдек коматинг сарви чаман ёр-ёр,
Хол лабинг кунжида мушки Хўтан, ёр-ёр,
Кўнглум аро кирпичинг бўлди тикан ёр-ёр,
Хажринг аро тортаман дарду миҳан ёр-ёр,
Хай-хай ўлан, жон ўлан, хурмат аро, ёр-ёр,
Мунча мени кўймагил фуркат аро, ёр-ёр.

Бе — бути Ширинлико жонга бало, ёр-ёр,
Эмди менинг холима килма жафо, ёр-ёр,
Айлагуман табакай оху наво, ёр-ёр,
Гам ўтига солмогинг борму раво, ёр-ёр.
Хай-хай ўлан, жон ўлан, сарви равон, ёр-ёр,
Кўнглум этиб кумридек оху фигон, ёр-ёр.

Те — таним этти хароб дард ила гам, ёр-ёр,
Жонни халок айлади жавру ситам, ёр-ёр,
Ишк ўтидин хар замон тортам алам, ёр-ёр,
Васл тамошосидин айла карам, ёр-ёр,
Хай-хай ўлан, жон ўлан, файзи назар, ёр-ёр,
Огзинг аро тишларинг мавжи гуҳар, ёр-ёр.

Се — самари нахлижон-мехрувафо, ёр-ёр,
Дардим уза шафкатинг эрди даво, ёр-ёр,
Касрати ишкинг мани этти гадо, ёр-ёр,
Лаъл лабинг шарбати жонга шифо, ёр-ёр.
Хай-хай ўлан, жон ўлан, мохвашим, ёр-ёр,
Байти хазан кунжида дардкашим, ёр-ёр.

Жим — жигарим кон эди шому сахар, ёр-ёр,
Кўнглуми ахволидин айла хабар, ёр-ёр,
Охим этиб чархни зеру забар, ёр-ёр,
Бўлди манинг холатим тарзи дигар, ёр-ёр,
Хай-хай ўлан, жон ўлан, хурлико ёр-ёр,
Кўзгу каби оразинг эрди сафо, ёр-ёр.

Хе — харами жисм аро урди нихон, ёр-ёр,
Кирпик ўкин отгали коши камон, ёр-ёр,
Жон куши бўлган эмас ҳеч амон, ёр-ёр,
Лутфунг эрур жисмима руҳи равон, ёр-ёр.
Хай-хай ўлан, жон ўлан, шамсу камар, ёр-ёр,
Санга қачон ўхшагай хайли башар, ёр-ёр.

Хе — хабаринг йўк кўнгул хасратидин, ёр-ёр,
Солди фалак бошима мехнатидин, ёр-ёр,

Тотиб эдим дарду гам шарбатидан, ёр-ёр,
Хай-хай ўлан, жон ўлан, каро кўзлук, ёр-ёр,
Тўти каби базм аро шакар сўзлук, ёр-ёр.

Дол — дамим ўтидин куйди жахон, ёр-ёр,
Ишрату айшим гули бўлди хазон, ёр-ёр,
Айласа бўлмас гамим шарху баён, ёр-ёр,
Айла такаллум манга, писта дахон ёр-ёр.
Хай-хай ўлан, жон ўлан, хулки хушум, ёр-ёр.
Бир йўли кўруб юзинг, кетти хушум, ёр-ёр.

Зол — зиёд айлади волаларин, ёр-ёр,
Очти кўнгул догдин лолаларин, ёр-ёр,
Сочти кўзум ашқдин жолаларин, ёр-ёр,
Ўйди, жахонга тилим нолаларин, ёр-ёр,
Хай-хай ўлан, жон ўлан, сабз кабо, ёр-ёр,
Айламагил жонима мунча жафо, ёр-ёр.

Ре — рамазон ойидек топти шараф, ёр-ёр,
Лек куёш бўлмади анга тараф, ёр-ёр,
Гамза ўкига кўнгул бўлди хадаф, ёр-ёр,
Ишки ўти айлади жонни талаф, ёр-ёр,
Хай-хай ўлан, жон ўлан, бода ичар, ёр-ёр,
Коматига хурлар хулла бичар, ёр-ёр.

Зе — забару зер эрур чарху фалак, ёр-ёр,
Хуснингга ошик эрур хуру малак, ёр-ёр,
Хукмунга фармонпазир мургу самак, ёр-ёр,
Санга фидо айларам харна керак, ёр ёр,
Хай-хай ўлан, жон ўлан, кони хаё, ёр-ёр,
Эмди хамул ваъдага айла вафо, ёр-ёр.

Син — сафари саъдга яхши нафас, ёр-ёр,
Нока хиром этмоги савти жарас, ёр-ёр,
Бўлмади кўнгул куши банди кафас, ёр-ёр,
Хуррам ўлуб чарх уза етти хавас, ёр-ёр.
Хай-хай ўлан, жон ўлан, накши нигин, ёр-ёр,
Хасрат аро кон бўлуб нофаи Чин, ёр-ёр.

Шин — шакарин лаблари Хизр суйи, ёр-ёр
Балки анинг рутбаси бўлди куйи, ёр-ёр,
Бўлди хижил хаттидин мушк бўйи, ёр-ёр,
Енди ўтум дудидин чарх уйи, ёр-ёр,
Хай-хай ўлан, жон ўлан ханда дахан, ёр-ёр,
Икки лаби лутфдин барги суман, ёр-ёр.

Сод — сабохат юзи эрди куёш, ёр-ёр,
Охим ўти учкуни кўкка тутош, ёр-ёр,
Жонни халок айлади ул кора кош, ёр-ёр,
Кўнглум ики кўзига бўлди талош, ёр-ёр.
Хай-хай ўлан, жон ўлан, Лайли насаб, ёр-ёр.
Келки, жунунлук манга бўлди сабаб, ёр-ёр.

Зод — зиё айлади юзларидин, ёр-ёр,
Томди шакар шарбати сўзларидин, ёр-ёр,
Тортти хижолат кийик кўзларидин, ёр-ёр,
Чикти саодат куни ўзларидин, ёр-ёр.
Хай—хай ўлан, жон ўлан, турфа чаман, ёр-ёр,
Огзи аро тишлари дурри Адан, ёр-ёр.

Те — талаб йўлида хор кўнгул, ёр-ёр,
Васлга етмак учун зор кўнгул, ёр-ёр,
Килмади кўз ёшидин ор кўнгул, ёр-ёр,
Кўймади фарёдидин тор кўнгул, ёр-ёр.
Хай-хай ўлан, жон ўлан, хирмани гул, ёр-ёр,
Зулфини куллобидин бўйнима гул ёр-ёр.

Зе — зафар топти жон рохи билан, ёр-ёр,
Кош ичар бодаии шохи билан, ёр-ёр,
Бўлса эди холадек мохи билан, ёр-ёр,
Ранги колур табакай кохи билан, ёр-ёр.
Хай-хай ўлан, жон ўлан, рухфизо, ёр-ёр,
Хасратида барча эл бўлди гадо, ёр-ёр.

Айн — азиз айлаган тангри азал, ёр-ёр,
Лаъли такаллум аро канду асал, ёр-ёр,
Хуснунга топилмагай хеч халал, ёр-ёр,
Юсуфи соний санга бўлди масал, ёр-ёр.
Хай-хай ўлан, жон ўлан, шохи жахон ёр-ёр,
Фуркатида кўнглуми айлади кон ёр-ёр.

Гайн — гаминг ўртади жисм ила жон, ёр-ёр,
Хажринг аро холатим бўлди ямон, ёр-ёр,
Ишк кўзум ашкени этти равон, ёр-ёр,
Шому сахар айларам оху фигон, ёр-ёр.
Хай-хай ўлан, жон ўлан, ширин-шакар, ёр-ёр,
Бўлди ўтимдин жахон зеру забар, ёр-ёр.

Фе — фалаки зулмгар иши жафо, ёр-ёр,
Хеч кишига этмади мехру вафо, ёр-ёр,
Бир-биридан барчани килди жудо, ёр-ёр,
Кетти бу охим ўти сўйи само, ёр-ёр.

Хай-хай ўлан, жон ўлан, сохибкирон, ёр-ёр,
Багрими кон айлаган ошуби жон, ёр-ёр.

Коф — камар юзлугим жилва килиб, ёр-ёр,
Кетти ёлгузини ўтга солиб ёр-ёр,
Мунда мени ташлабон, кўнглум олиб, ёр-ёр,
Дарду гами ўртади, шавки колиб, ёр-ёр.
Хай-хай ўлан жон ўлан, ох нетай, ёр-ёр,
Ишк ўти дардидин кайда кетай, ёр-ёр.

Коф — каломинг сени кони карам, ёр-ёр,
Хусну малохатларинг боги Эрам, ёр-ёр,
Нолада кўнглум куши мурги харам, ёр-ёр,
Ишкда куймаклигим ёзди калам, ёр-ёр.
Хай-хай ўлан, жон ўлан, куйди кўнгул, ёр-ёр.
Лаъл лабинг холини суйди кўнгул, ёр-ёр.

Лом — лабинг шарбати кавсар эмиш, ёр-ёр,
Огзинг аро тишларинг гавхар эмиш, ёр-ёр,
Хол юзинг богида анбар эмиш, ёр-ёр,
Анда саводи хатинг дафтар эмиш, ёр-ёр.
Хай-хай ўлан, жон ўлан, лола кабо, ёр-ёр,
Шавкинг ила тортаман савту наво, ёр-ёр.

Мим — мухаббатдин ул чашмаи гам, ёр-ёр,
Мавж аро селдек бахри алам, ёр-ёр,
Йиглар ила дийдада колмади нам, ёр-ёр,
Борди кўнгул дард ила мулки адам, ёр-ёр.
Хай-хай ўлан, жон ўлан, хуш тарабинг, ёр-ёр,
Айлади кон багрими гунча лабинг, ёр-ёр.

Нун — на билур дардими олам эли, ёр-ёр,
Хеч сахар эсмади васл ели, ёр-ёр,
Оху наво нахлини синди бели, ёр-ёр,
Жон кўшини нолада лол тили, ёр-ёр.
Хай-хай ўлан, жон ўлан, хусни куёш ёр-ёр,
Охим ўти чархга бўлди тутош, ёр-ёр.

Вов — вафо ахли йўк икки жахон, ёр-ёр,
Онча талаб айладим яхши-ямон, ёр-ёр,
Барча паризодлар офати жон, ёр-ёр,
Хеч киши бу дарддин топмас амон, ёр-ёр.
Хай-хай ўлан, жон ўлан, Зухра жабин, ёр-ёр,
Бўлди кўнгул кушлари нола хазин, ёр-ёр.

Хе — хама ишк ўтидин бўлди фано, ёр-ёр,

Гарчи жахон шохидур этти гадо, ёр-ёр,
Булбул этиб гул учун савту наво, ёр-ёр,
Бошига ушшокни тушти бало, ёр-ёр,
Хай-хай ўлан, жон ўлан, шахду шакар, ёр-ёр,
Ишк ўтидин жонима хавфу хатар, ёр-ёр.

Ломалиф — лоладек догим очар, ёр-ёр,
Кўздаги кон ёшларим кўкка сочар, ёр-ёр,
Охим ўти дудидин барча кочар ёр-ёр,
Гунча сифат кўнглуми васли очар, ёр-ёр.
Хай-хай ўлан, жон ўлан, жон хаваси, ёр-ёр,
Сенсиз ўлуб чоклар тан кафаси, ёр-ёр.

Ё — юбориб номалар жон кушидин, ёр-ёр,
Келмади сўз лаълининг хомушидин, ёр-ёр,
Кўнглума (гам) юзлади туш-тушидин, ёр-ёр,
Езди бу Махжурким, бехушидин, ёр-ёр.
Хай-хай ўлан, жон ўлан, гамза назар, ёр-ёр,
Боди сабо васлдин берди хабар, ёр-ёр.